

續修四庫全書

《續修四庫全書》編纂委員會編

續修四庫全書

上海古籍出版社

一六三三・集部・總集類

晚晴簃詩匯二百卷（卷一百六十七至卷二百）

徐世昌輯

.....一

晚晴移詩匯卷一百六十七目錄

金和 十五首

施山 七首

劉履芬 十一首

雷浚 九首

史蘭 一首

丁申 一首

丁丙 六首

丁午 一首

莊棫 三首

王繼穀 五首

王詒壽 二首

蔣節 六首

陳文駟 四首

馬賡良 十首

王栢 七首

李齡壽 五首

羅志讓 五首

丁堯臣 五首

魏錫曾 六首

汪琰 十三首

吳養原 二首

譚鍾鈞 五首

晚晴移詩匯卷一百六十七目錄

沈鈺 一首

胡公壽 一首

蔣確 二首

沈祥龍 三首

張定 一首

葛其龍 三首

黎承忠 十首

俞燿 七首

晚晴移詩匯卷一百六十七

徐世昌

金和字弓叔一字亞匏上元人貢生有來雲閣詩彙

詩話亞匏負不羈之才粵匪破金陵全家俱陷於賊時向忠武駐軍城外亞匏謀內應往來賊中而官軍屢誤期會謀洩事敗僅以身脫時論壯之詩酒跌宕老於賓客凡清人之翊翊黍離之顛覆身親日觀故言皆實錄可當詩史

避城

海上逃人言鑿鑿夷於丁男不甚虐惟與婦人作劇惡比戶由來皆大索城中兒女齊悲嘯四鄉一一謀枝棲尋常家具邀人齋腰纏浪擲輕如泥誰謂鄉農亦稱霸百金纔許蝸廬借瓢水束薪珠玉價釵鈿褰襪奪之詐稍不如意便怒罵搶地無言但拜謝道來此間已被赦不見鄰婦頭

晚晴移詩匯卷一百六十七

鬢髮無錢能賃香笏籃膝前有女年十三中夜急嫁西家男身攜布被居茅庵

募兵

城中舊兵不如額分守城頭尚無策何論城下詰暴客市兒反側頗接跡一旦招之入軍籍朝來首裹青布幘細襪革鞞勒盈尺黑衣蔽腹袖尤窄堂下羣鴉立無隙或舞大刀或礮石取其壯健汰老瘠九城纍纍保衛冊晝坐當門怒眼赤大聲能作老鳥嚇惡勾往往暗視魄夜出走巡街巷柵火光燭天月不白木槌竹鞭在肘腋吠犬無聲都辟易一人日與錢一百勤則有犒惰則革借問誰司鼓與鉦居然高坐來談兵百夫長是迂書生

揚州客邸作

不慣揚州住蕪城數暮鴉世情原魯酒人意亦唐花客路
江難縮秋林日易斜雲邊親舍近吾夢欲還家

王嬌

紅顏竟許到沙場休抱琵琶意更傷不是出宮時一拜今
生何處見君王

西施詠

溪水溪花一樣春東施偏讓入宮人自家未必無顏色錯
絕當年是效顰

五月七日母命出城避賊

老母傳示紙三寸敲側澹墨十數言謂聞爾日賊促戰千
家萬家人出門爾獨何爲戀虎口六世名族惟爾存身是
婦人當死耳此時言義休言恩爾去將情告諸帥況爾有

晚晴錄詩匯卷一百六十七

二

口兵能論背人讀罷火其紙纔欲痛哭聲先吞中夜起坐
不能寐十指盡禿餘醵痕在家何曾得見母母教誠是兒
智昏宿將南來過兩月胡至今日軍猶屯或者條侯太持
重不識此賊原游魂儻以裏言走相告未必幕府如帝閭
藉手庶幾萬分一還我甘旨雞與豚甘作罪人背母去甘
金饋賊吾其奔

初九日出城既至善橋作

出城二十里世界頓清涼不覺髮將白纔知日向黃居人
盡旗鼓吾輩又冠裳重見聖朝詔羞揮淚數行

自秣陵關買舟冒雨至七橋張馬總戎龍營求見

早潮人說船行易五十里路夕未至夜深雷雨破空來疑
是城頭戰方利小船漏水時欲沈袴襪無乾不能睡燒燭

聊談紙上兵到曉剛成六千字遙遙乍見當頭旗船得順
風樂生翅須臾繫纜營東頭萬帳星羅眞得地此時雨猛
更逐人草滑泥深策無騎束縛亡軼側足行軍前豈可輕
兒戲漸聞朝令許傳呼長揖扣門敬投刺將軍竟作階下
迎纔見逃人先迸淚敢謂此賊不難平三月遷延自攻愧
張髯怒罵驕兒兵如所云云頗非醉坐來徐獻袖中書五
策居然中三四欲推欲挽忽沈吟前席無聲似酸鼻但言
大帥在鍾山到彼雄心儻一試我聞未免中狐疑於我何
嫌若引避歸船聽取道旁語請戰都非大帥意將軍近已
病填膺不是將軍不了事

初六日將辭諸營而去

晚晴錄詩匯卷一百六十七

三

旁觀不覺舉棋頻鳥聲多漸惹瞋吾舌能令金馬泣軍
心只似木雞馴侯嬴有劍難從死伍員無簫欲救貧徒賺
北堂占鵲報猜兒已作後車人

初七日去大營擬寄城中諸友

十萬冤禽仗此行誰知乞命事難成包胥已盡滂沱淚晉
鄙惟聞嘯喙聲自古天心慳悔禍雖余人面錯偷生一身
輕與全家別何日殘魂更入城

聞落葉聲有感

夜夜空階落葉橫因風隨處答蟲鳴紙窗如墨每疑雨華
髮成絲是此聲蘭芷江邊遷客淚蘼蕪山下故人情飄零
自分無歸日略向歧途訴不平

還家

還家翻似客兒女一時喧亂閣囊常礙新支榻不溫縫裳

促冬綫翦燭繚宵尊幾日聽江雨征帆又在門

夢月夜游筆架山歌

我昔初游筆架山重巖絕巘窮躋攀夕陽滿天下山去山
靈笑我真癡頑夢中來呼渴睡老汝昨看山愛山好好山
不向月中看誰識此山天下少我歡躍起歡相迎山靈挈
我隨之行騰地直上一千丈此山屹立如在不夜城九閭
咫尺通帝京四邊寂靜無人聲舉頭不見團團月卻是廣
寒舊宮闕萬戶千門無點塵珠斗銀潢共清絕此時姮娥
露真面雲錦衣裳颺紅電須臾放出大光明融結此山成
一片山耶月耶兩不知浩浩長空互秋練山靈語我此奇
景除卻此山無處見此山南來第一真洞天今作窮妻湯
沐縣繞縣徧種丹桂花靈根來自海市鮫人搓云是結璘

晚晴移詩匯卷一百六十七

四

使者手贈春風芽此山樵童漁女一一皆以花爲家花開
花落一十二萬載古樹今樹不斷香橫斜偶然桂子月中
墮當作瑤池靈藥可白兔誰聞天上春青鸞自寄山中果
人生得入此山游仙錄何事更向佗鏗求此山一草一木
一猿一鶴俱是不凡品而況餐煙吸露之靈修我心默默
方然疑忽聞侍從傳語山靈知近來吳剛老病疲其屬八
萬四千戶斤斧往往乖常儀一去蓬萊十日不復返聞其
爛醉蒲桃新酒無醒時頃間同游下方客落落冰玉無俗
姿吳剛修月不稱職今後其人客代之山靈賀我促我頓
首謝我有我志請畢今夕語我之學儒僅僅知謳吟我之
學農僅僅習耕稼其他一切愚過移山公而況生平懶同
嵇叔夜塵世不願受羈勒天府何堪任驅駕幸爲更乞恩

外恩曲怨草茅蟣蝨臣七寶樓臺非我事匠材別選甯無
人山靈對我長太息叱咤一聲如霹靂驚回春夢落河海
依舊青鐙閃蓬壁東窗指顧博桑紅照見此山最上芙蓉
峯

登木末亭懷太白

碧蘿祠宇鼻茶煙曾此行吟有謫仙自著錦袍上天去鳥
嘯花落一千年

送曾襲侯出使

江上逢旌節中朝第一流時名謝安石先德武鄉侯許國
無同顧彌天此壯游長風九萬里何止到瀛洲

施山字壽伯一字望雲會稽人有通雅堂詩鈔

詩話壽伯幕游湖湘間詩縱橫曲折其氣特
盛七言近體工於發端時有空同大復遺習

晚晴移詩匯卷一百六十七

五

吾廬

萬壑吾廬外蕭然一布衣家貧親老易地僻客來稀開卷
前賢過窮居世事違坐看小鳥雀街食向巢飛

聞客話滇南

檳榔花發碧雞山昔有藩王鎮百蠻歌舞銷沈宮殿廢亂
雲猶擁七星關

庚午春日天門城邊看灌麥

嵒豕東流日變遷淤湖春麥綠成田漸繁生齒兵戈後試
數兒童隴畝前西顧猶愁回紇馬南漕久廢運河船談何
容易匡時略搔首斜陽古郭邊

咸豐三年冬貸粟錢江農人張國震餽錢以濟是日
暴風不止先王母倚閭憂甚距今十九歲矣感懷

成詩

百慙冰霜年少日一錢生死感人恩飢寒歲暮親垂老風浪江干日已昏禱佛鑪煙歸未絕極天墳樹遠無痕天涯又愴清明近麥飯何時拜墓門

偶樵寄示舊作藤鼓行三章歌以和之

蒼梧羊石端州門以藤為鼓吾所聞君於三鼓曾見一作詩氣壓千人軍明臣滅賊根株絕更挽妖藤實刀截團團冒以黃牛皮罰令司更贖前孽二百年來亂夷狄騰騰擊鼓鼓欲裂大臣輦帶曾三錫尋國喪師不可說坐令米賊輕國憲南紀沿沿日流血卽今鼙鼓中原息西北荏苒未誅滅安得拔釘礪牛皮老藤十丈復聯結皇靈感物變頑性飛渡黔山斬萌蘖歸來作頌鐫其功藤皮堅滑刀如風岐陽之石蠻溪銅以比爾鼓將毋同雲臺馬武山林雄中興漢代聲隆隆誰知順逆妖祥異湖海猶憂伏莽戎

晚晴移詩匯卷一百六十七

六

蒲圻城頭晚眺有懷仲丹都中

山山黃葉兼紅葉松竹蕭森掩映之雲裏譙樓雙塔迴鳥邊暮雨片帆遲風光絕妙秋深後客思蒼然獨立時忽見洞庭霜橘至故人京國最相思

題趙州王節婦畫水

趙州古寺殘王氏畫壁流觀吳道子精魂白日游九泉倒捲黃河入腕底波瀾於古真莫二毫端激灑涵元氣晴晝如聞風雨鳴空堂疑有魚龍至鱗鱗閃動不敢捫安得巨掌擎海門颯然冥頂忽飛入炎官赤帝皆驚奔或愁異日冬寒惡地凍天冰受椎鑿嶙峋純是血點凝百劫千災豈

銷鑠高風蕭蕭環翠閣海客南歸袖雲壑秋成不勞憂早乾萬校聲農田繞山郭田間寡婦拾穗同憐渠耕石恆年豐猶傳黃鵠孤飛日惡浪驚濤濤淚眼中

劉履芬字彥清一字泖生號滙夢江山人官戶部主事

改江蘇知縣署嘉定縣事有古紅梅閣遺集

詩話柳生博雅工文辭權知嘉定有折腰督郵之憾又遇殺人獄未得主名恒抱無聊一夕自裁極才人加作老復一時士大夫深哀之嘉定程序伯曾為郭頻因屬序伯仿其意圖生於自叙一首時道紀正酉歲也柳生後有懷舊詩云名揚踪跡感頻如悔把詞章換髮華孤負紀年同一樣竟教汎茫挈全家

歲晚述懷

吾無應物材涉世誠大難靜默欲養心觸事多憂患讀書不致用焉貴抱叢殘愧此編氓徒力食供晨餐貧賤未為辱親密未知歡芬馨湘南草詎若庭戶蘭俯思勵至行束帶憐朝寒

晚晴移詩匯卷一百六十七

七

二月三日放舟至木瀆宿石心村居越日登靈巖山

遠眺循麓過披雲庵看梅冒雨而歸紀游

薄霧戀山坳日在征鳥背出門一舸浮峭碧點波碎橫空見塔尖如佛影孤髻逾近煙水闊舍舟見古寺我友汪居士避俗隱茲地布被可留客門巷不嫌隘檜雨燒團茶飲口園官菜卧聽萬壑風足洗胸中穢

微露濡行人攬衣起破曉一步一看山翳叢驚宿鳥風廊出溟渤鐘聲散遲早松樹千百盤近覺青可拗思夷勇孤往步險怯始造不知路所極雲起手能到數數列階級落葉琴臺掃無與亭蘿人洞門閱春草

上山復下山僧廬三里餘無數梅花林照水爭清疏禪宗
息文字掩關終歲居自惟種植緣長笑溺與沮結趺坐苔
石啄木下自如衆香了無際安用悲萊蕪亞枝落橫玉還
讀法廬書一甌綠雪湯自易情懷孤

寄陳曼壽

短榻移鐙客夢疑蕭蕭殘竹月明時未愁僻地鉏茅始頗
悔搗樽就鞠遲人外孤鴻無靜境酒邊雙燕有春癡近來
祇合關門住卧誦江湖聽雨詩

舟中贈楊見山

停船看明月夜永一鐙虛獨往青山後論心白首初浣衣
今一笑食肉爾何如後約應期我秋風江上書
都門客思

晚晴移詩匯卷一百六十七

八

活想煙波采白蘋閒簾靜對月如銀模糊雲樹三千里抖
擻衣裳十丈塵處世正非貧可了還家只盼夢能眞曹司
事簡朋儔隔自起烹茶析澗薪

夜坐荷芳書院

秋聲不在山月色融於水菊畦雨三叢爛漫炫金紫淨鄉
廣作綠池隙扶六枳霜重警林鳥波寒定潭鯉豈惟荇藻
流鐙影一船艤舊游吳越交十載五湖淡清景對靈抱良
宵數有幾

觀姚少師錄童中州後和陶詩書後

中州名冀金華
八見列朝詩集

其手蹟今爲
獨山莫氏藏

道衍未入燕能詩乃名詩偶寫友朋作命意殊冲夷中州
舊相識寄遠界烏絲一卷後和陶書以徇心知繇靖不再

觀自沈輓媚姿足知才力強所施無弗宜和尙故不錯責
之何苛爲吁嗟太孫帝柔弱祚漸衰文皇一振厲遂廓二
百基此見和尙功長育亦不貴世俗恢奇策傳聞多可嗤
要之游佛門固是英雄師往昔見摹本手跡今茲披他年
請刊石用補集所遺

吳園

拙政山榛怨老梅百年池榭幾遺栽碧桃臨水才三足猶
背東風滴淚開

答潘慶生

闌風苦雨積莓苔兼喜湖山綠酒杯握手花叢人漸老論
心水會我重來頻年離緒桓三弄徧地征塵杜八哀短後
儘儂落臆馬公言龔亂正須材

晚晴移詩匯卷一百六十七

九

雷浚字深之吳縣人諸生有道福堂集

詩話深之吳中宿儒研經博物承里中惠江諸家之
緒與會所至時發吟弄波瀾意度不失乾嘉老輩矩
矱

自黃縣至甯海州道中作

自離黃雎來行行漸沙磧不知身入山山遠青岑則雪壓
山氣沈透空轉縹碧斜陽來照之倏忽成霞絕變幻不一
時陸離兼五色是日行未遠雞棲日將夕疲投茅店宿山
月店門白

山行古乘標厥制似卽屢漢時始用輜輪嶺平妥帖我行
山海間我車阻高岡無輜不得進有木眞豫章似梯枕以
繩似網似箕張用駕驢背行云宜山路長山輜名不俗采
之入詩囊

四更山月落星光淡原野僕夫特諳練驅驢出道左昏黑
望前林明白顧後火行行阻深澗對岸高碣破雞鳴知逼
村覩路無一可路旁似有人呼之乃樹也蹇驢嚙徑草我
穩山輜坐此時脫遇盜傾刻當無我東嶺透朝霞西嶺煙
霧鎖四顧默無言一身萬峯裏

上山勢似難登頓從無失下山勢不留往往多差跌一跌
幸無傷雪後鋪如茵人驢同扶起撲雪如撲塵

絕壁兩崖分中通路一綫人馬魚貫來去來厄接腕挽腕
猶可避馬礙豈容旋出門戒欲速崖口佇少間少間一僕
下疾行呼不來徐徐山輜入壁上繡古苔

沈沈山中宅未識何人居歷歷山中村綠窗俯通衢豈不
虞盜賊世亂此晏如自入東萊境道路無婦女汲水臨深

晚晴詩匯卷一百六十七

十

澗浣衣來楚楚山僻偶一見此風勝鄉魯

皇天夜雨金萬夫朝死鬪卒平土不穀民窮何述富帝救
金星下弩力試補救又恐逸則淫金沙雜紛糝揀之更鍊
之辛苦同芸耨我行升高山下視人輻輳詢云淘金戶蠕
蠕聚萬首稍近皆敗絮騰越如獲狄此邦本不肥爾生亦
太瘦

四月九日重赴白隄汪氏館齋是夜月不甚皎徘徊

清夢軒池上淒然有作

兵殘賸得舊樓臺樓下池邊半綠苔幾輩人如花驟落今
宵我與月偕來不堪懷舊剛聞笛如此尋詩合舉杯昨日
隴頭書恰至殷勤猶訊劫餘灰

貝子木明經青喬半行庵遺集刻成題後用調生丈

韻

生能草檄兼橫槊無命皇天底賦才飽食太倉騰鼠子飢
驅歧路泣龍媒祖鞭欲著似春夢韓集誰編幾劫灰尚有
定文同志在招魂直欲上西臺

史蘭字雙梧嘉興人諸生

詩話雙梧嘗繼沈文憲編次乾隆以後諸家詩為別裁續錄雖塗轍近隘而持擇甚嚴其棄本流入腐市
余為收置社中並別鈔名家詩文都四十餘冊
皆出手錄披覽及之未嘗不歎其苦心劬學也

過翠雲精舍讀液川上人觀幻居詩留題

液川吟詩如畫竹修竿勁葉風生屋有時作畫復題詩見
詩不見畫滿幅即今何處留遺編小橋流水南湖曲大小
乘參短長吟禪林應當佛書讀

丁申字竹舟錢塘人諸生候選主事

晚晴詩匯卷一百六十七

十一

秋日嚴州城下用放翁初秋有感韻

蕭蕭落木下孤洲疊疊窮山豁一州楓葉江濤帆影碎梅
花城郭笛聲愁歸耕游卒爭刑馬墜廢貧黎合買牛休養
此邦誠不易長官匪止俸錢籌

丁丙字嘉魚號松生晚號松存錢塘人諸生江蘇知縣

有松夢寮詩彙

詩話松生早慧年十三入杭州府學粵寇擾東南
文物蕩盡松生與兄竹舟出家錢蒐求散籍獲文淵
天一之書十四五遠者致自交廣區間有書庫抱
殘圖左文襄莫邱亭題地高伯足作記美其歸書文
瀾之功黃再同為題五絕其一云是石雲門大小山
波清峯綠雨翁聯聯風雨愁誰別定有黃衣夜叩
關自註波清涼類合樂榮貪濃絲不分
林龍沙山人聖因寺句也交瀾閣在寺旁

送莊四歸毘陵
離懷折贈柳純麝春到旗亭酒正酣鐵笛一枝催夢醒梅

花風雪滿江南

茶庵招游西谿答之即堅其約次韻

只消雨不惱黃昏明發招邀出郭門十八里中花更好兩
三人約酒先溫水樓禪話交蘆偈野寺詩尋宿蘚痕試與
輭紅塵土客清名持較果誰尊

借竹軒

瑞隆院裏翠黏天看竹曾傳北宋年玉版禪賒燒筍客金
題贊乞散花仙窗簾大好輝千个風月何煩買一錢登眺
願資雙不借最清涼處獨高眠

筠軒丈以雁山茶餉客

雁山色如古鼎彝丹砂翡翠青瓜皮四十九盤雲合離一
百二峯煙芬非客兒游屐獨見遺諾詎那至開初基沈記

晚晴移詩匯卷一百六十七

三

薛賦彭希微閣南北兮谷東西泉膏石髓蒸華滋五珍之
產茶尤奇梅公詩句高品題阮家仙種是也非清明節過
穀雨霏新芽一槍還一旗武火焙足文露晞瓶盛箬裏致
遠宜鐵翁得之笑解頤新年招集吟朋嬉小小鑪子塗紅
泥雪餘簷滴烹珠璣蟹眼魚眼聲淅淅恍疑瀑在龍湫飛
煎成淺淺浮琉璃色香味與陽羨齊座中二老先忘機
蒲堂二公親游裏糧曾踏芙蓉溪重圓茶夢疏朝衣鰕生
雁宕話游妮妮亦幸清詩脾所嗟互市來西夷茶綱歲入千朱提可憐軍
火無窮期不抵防海一日糜茲茶隱秀與世違解渴不屑
淪鯨鯢主人論敵有餘懷苦心茶味其庶幾更期八尺支
杖藜雁湖絕頂輕攀躋春茶采采歸來兮延年益壽同丹
莫

黃浦道中

黃浦江頭夜月明青龍橋外暮潮生廿年重撫疏疏柳輪
與涼蟬自在鳴

葉盤新事丁敬身隱君象屬題

硯林錢塘江上人祖述龍泓丁隱君負米踏麴供其親餘
力讀書常斷斷下數漢唐上周秦鼎彝碑碣通說文篆刻
絕藝無等倫與諸鴻博張一軍詞科掌錄揚清芬庭前諸
子皆有聞張紗古弄屋荆榛集慶寺後荒秋墳獨留遺象
傳風神抱膝坐石全天真葉子好學忘清貧暇操鐵筆鐫
貞珉私淑前哲香瓣薰藝林名重同千春

丁午字願生錢塘人諸生

冒雨訪盛鳳翔城北寓居留飲春盤醉後有作

晚晴移詩匯卷一百六十七

三

入春雨雪多兼旬風簌簌枯坐兀無聊蠟屐訪城北登堂
一笑迎握手意可掬天寒泥留飲是真來不速嗟我生寡
歡性僻難諧俗與君久締交淡然若蘭菊遇合彼此同牖
下猶雌伏瞻顧名利場無能共角逐笑彼冠蓋多其奈知
食肉不如咬菜根靜對縹緲腹優游寢饋中萬卷丹黃讀
君頗蓄書其度閣日萬卷知足神自怡朱顏爲君祝至樂頗耐尋何必
求多福衝寒梅信芳同上孤山麓曾有採梅之約故云

秋懷雜詩

故鄉不可見仰視河漢流肅殺亦歲功動植宜虔劉朝歌
思歸引暮歌大刀頭獨固增感離思亦縈憂房櫳蜻蛚
吟原野狐狸游蟋蟀仍在堂相對樂未休日月已云邁良

士慎自謀

柳

東風吹百草冉冉過柔條依舊江潭路其如隴水遙高樓
刀尺緩古道馬蹏驕莫問封侯壻閨中淚未消

芍藥花初放薜蘿葉復齊棲鳥白門側落日大隄西朝朝
逐游子暮暮隔空閨鳩娜今如此莫負曉鶯囀

王繼穀字子詒會稽人有聽桐廬殘草

詩話子詒因母疾禱於羣神乞以身代光緒六年四月五日自抗於甯波之月湖以死世所稱王孝子者也宗湘文太守勒銘湖濱其仲兄子猷太史搜集遺詩得若干首孝子至行豈待詩傳而靈均捐珥伯奇履霜凄楚之音時露毫格山陰沈曉題其遺詩云連閣舊事說吾鄉寒菊清泉薦晚芳不是湖頭祠愍孝也應配食水仙王

九日登八詠樓同仲兄作

晚晴移詩匯卷一百六十七

古

木落廢城秋關山一雁愁大溪環屈曲敗葉舞颼颼風雨
重陽酒中裾八詠樓憑欄吹鐵笛萬里溼雲收

舟中遣興

霜雁一聲唳白雲天際流鶻搖新漲輭江借晚楓秋強酒
爲尋夢圍棋暫避愁前灣知泊處落日破帆收

蕭山道中

大江日落暮煙凝估舶家家欲上燈殘柳疏星帆影卸亂
鴉聲裏到西興

鏡湖卽目

故鄉風景認依稀曲曲陂塘雪鷺飛萬戶稻蓬圍郭屋半
湖菰翠盪柴扉黃花紫蟹酒初熟紅樹碧溪鱸正肥津鼓
一聲星幾點卧吹銅笛夜船歸

感知一首酬李悉伯先生 慈銘

乘槎欲訪三神山蓬萊咫尺風引還鍊石五色亦何有誰
信媧皇補天手山林鐘鼎兩不成何如獨坐援孤琴醉折
幽蘭彈古調空山寂寞無知音昨者別兄偶弄指天風海
濤入焦尾餘音嫋嫋千里聞誰識天涯有鍾子先生當世
推經神主持壇坫三十春忽聽巴音和白雪喜舞奚翹登
龍門中散許傳廣陵散一洗俗耳箏琶新瓦釜雷鳴奚足
論得一知己死何恨一彈再鼓忘形骸孤月寥天印方寸
王詒壽字眉叔浙江山陰人諸生官金華訓導有縉雅

堂集

詩話眉叔工駢體文久困場屋貧悴以終嘗入浙江書局從事校讐與譚仲修施均甫張子虞諸人相酬唱女綺亦能詩李越幾題其藁有云玉臺詩格傳嬌女解道花隨燕過牆

晚晴移詩匯卷一百六十七

古

春暮

野桃無力點晴波寒食清明次第過酒價漸低春釀熟荀
船初到市聲多東風芳草人盤馬小雨楊花客渡河卻憶
江南好時節畫橈衫影水如羅

銅鼓釵歌

何竟山藏有古釵云蠻人以叩銅鼓者銀千餘年物也按隋書地理志載南海交趾諸銅爲大鼓初成置酒招同類豪富子女以金銀爲大釵執以叩鼓竟乃留遺主人

銀繭一尺紺龍角翠漫鏤金截鈿萼海南女兒顏如霞不
向東風曳珠索玉螺花鼓青盤雷碧瓊錦連臂來釵光
搖搖彭聲起手撒春星顫鸞尾洞堂一曲蠻花香犀牀不
動雙鴛鴦氍毹裘都老紅酪漿墮霞簇簇珊瑚囊何年飛來
逐龍子古井沈沙土斑紫芙蓉怯玉蘭雲垂金蟲欲綴愁

蟬絲且鋪舞錦呼吳兒嬌麗促疊催柘枝

蔣節字幼節上海人諸生有閑促齋詩集

詩話幼節師事何媛更莫邱亭故為詩力追先正同時名輩多與酬唱顧懷才不遇棲遲幕府有仲宣依人之感歎時年僅中歲歲暮未刊唐徵卿中丞謂與黃仲則同慨然身後之名去兩當遠矣

古詩

積陽散林薄涼飈入我幃孤鴻逸天末客子寒無衣手把鳴琴彈絃急不成揮非關絃柱促顧此心願違中情自難抒無傷知者稀

張明府德堅招賞牡丹次韻

甌碧鞞紅徧草堂為花耐得六時忙眼根已眩曼陀雨鼻觀疑參鶯梅香愧我餒榮驚節物看君健筆擅詞場絳章便奏通明殿語爾封姨莫漫狂

晚晴簃詩匯卷一百六十七

夫

同時明府乃功登鼓樓作

列戍悲笳咽荒陵落日殷眼中千里客樓外六朝山良會矧不易清游那可刪高吟聊復爾莫使動江關

贈劉明府焯用東坡喜劉景文至韻

應人一任牛馬呼學道於此窺其隅平生未著絕交論貧窶自覺交親無劉侯肫摯獨念舊聞風已足敦薄夫江淮相聚喜會合期奮迅翮爭搏扶那堪飄泊感節物又見菽麥將生鬚邇來閉置苦岑寂似褰駝坐毋乃迂昨者有約蜀岡去欲酌卮酒懷歐蘇藉茲眺遠豁襟抱隔江山色如彼姝倒衣命駕堪從子狂言屢發可容吾知君有句證鴻雪凭闌定憶錢塘湖

蘇文忠公玉昇驛券拓本為劍盟題

解驂為助久未聞以馬借人史闕文古之佚事孰能繼杭

州太守蘇使君使君有馬出天廡嘉名肇錫玉鼻驛東齋

卻對李方叔恩恩惜別情難分忽推君恩及良友三致其

意殊殷勤丈夫甯有戀棧志勸哉蹴踏超風塵當其要約

書公據一紙筆落生煙雲蝦蟇壓石信奇喻字體出入從

顏筋更教浩翁定價直又以長句煩煩濱何年刻石石自

裂風雨剝蝕生苔紋憶昔由拳遭兵火不共珠玉摧妖氛

眼中舊跡喜重見萬生好古真不貧晚香堂刻舊曾觀問

值乃索百廿縉短長肥瘠各有態秋高二華同嶙峋邇來

摹本苦雜出東家難效西家顰蜀中椎拓亦艱得洋川數

石猶堪珍長公作字留戲語跋待五百年後人小生後公

歲九百高山徒自懷清芬嗚呼公之高誼今不作翻覆之

晚晴簃詩匯卷一百六十七

七

手何紛紛萬生萬生善寶此此券莫使馮煖焚

病中別譚中丞

不緣多累肯依人典盡琴書始出門黃獨有糧聊可煮白雲如褐恐難溫囊空易動窮途感劍在甯忘國士恩記否木蘭堂上別今年此別倍銷魂

陳文馴字季舫大興籍祁陽人有漱潤廬詩存

詩話季舫師為仲英師之弟少有才名詩初宗唐賢後復出入東坡劍南未遇早卒人皆惜之

雨中雜詩寄路訪巖

春老餘寒入被池陰陰城闕曙鐘遲名心漸逼親衰後豪氣難銷酒熟時避客性如羞舞鶴傭人味似已刪詩此懷祇取奇書遣遮莫飛花下故枝

讀晉紀

盛魯由來易失眞深源起後轉沈淪江東一樣蒼生望爭及圍碁賭墅人

天家自給山林費高隱爭談著作郎笑煞史臣難執筆荷衣墨綬費平章

雨窗與个臣夜話

叱咤侯門熱孤吟夜漏殘豪情就束縛餘味耐寒酸得失爭雞口文章笑鼠肝此懷了無盡付與酒杯寬

馬廣良字幼眉號鷗堂會稽人有鷗堂詩鷗堂遺藁

詩話鷗堂體羸善病絕意進取以詩鳴於里之耆社兼治古文晚好禪學譚復堂謂其爲詩覃思自精窮極正變而五金一治入音成樂若性若習若忘若遺其子刊遺藁凡文詩詞各一卷平生篤倫理務實踐教諸子有法度季子綱章博雅能詩

偕文孺彥清游曹山寄劍中諸子

晚晴詩匯卷一百六十七

大

鑿山採山石探處名石岩石盡山成蛻因之得奇狀曹山最奇絕覆石如連帳削削知何年形虧氣益壯一岩在山腹水洞通咽吮石巖爭險峭岌嶮不相讓山根走潭底水石互摩盪一宕山之背可卽不可望緣崖入仄徑隘極忽平曠石壁周四圍幅幅如列幢其東雲石菴高踞層巒上巨石千丈強獨立空依傍下有涓滴泉萬古春盎盎由來山水奇造化運意匠茲獨出人工魄力實雄勦混沌一剖判青山成變相我生與山鄰呼僦幾躋降稜稜踏山骨曲曲入山臆觸目已嶙峋極險窮幽況今茲載酒來巖花媚秋放好山如佳文百讀終無妨同游有孫曹山賊名差當關路扶崩榛登高破石浪焉知筋力疲但覺神情王快哉一嘯歌羣山齊和唱迴舟出曲渚落日明殘嶂盧仝七椀

茶例得山靈賦雲石泉味清而腴越中推第一泉

明心寺

佛殿嵐光積山門樹色埋磬聲爭澗筑幡影亂藤釵看竹入莎徑踏花愁筇鞋山行逢息壤游興未應乖

舟中不寐起視月色如畫

小艇落寒江舫聲搖夢醒開篷正清夜獨坐攬幽景月明萬籟歇山水氣俱靜興來一扣舷滿江風露冷

得子九丈閩中書

之子辭鄉國西風吹草黃門前看流水離思與之長忽寄平安語遙憐鬢髮蒼關山千里隔有夢到蠻方

春游做劍南小體

野色瞳瞳日氣清短篷柔艣鏡中行山腰束霧初收雨水

晚晴詩匯卷一百六十七

九

面鋪煙乍放晴紫陌鶯花催上巳畫船簫鼓送清明春游到處饒詩思斷句推敲半未成

焦桐篇寄李悉伯慈銘

焦桐慕素絲明鏡照芳姿之子一相見關山遠別離秋風動蕭晨早涼生綺閣不恨秋風涼但恨羅袂薄柔肌瑩外雪美目耀春星謝彼脂與粉還吾婉變形秦女引鳳吹蜀客求風操絲竹雖殊音宮商本同調焚香理瑤徽對鏡掃蛾眉焦桐有時斲明鏡無時疲

偕丁雪塘任秋田孫彥清游柯巖

吾州山水奇往往出殘臘曹山既著名柯巖復擅勝遙望山破碎近卽石散迸嵌綴亭館涼割剝邱壑勁繁林戴側厂修廊蟠曲磴崖深聞石氣水清見魚性澗香渡幽花巖

音孕清馨洵足騁雅懷況能逃暑病當年采山石頑劣遭排擠豈知易世後游履名山盛乃知天地間得失本無定名理既微悟寸心亦明淨劇飲朋盍簪陶然盡游興

入剡

清溪寒曉曉孤艇上灘遲入剡又今日看山如舊時岸崩村徑換漲落渚沙移不見蓬萊淺滄桑已可知

借譚仲修施均父黃元同潘儀甫張子虞孫子宜及

皋社諸子讌集吳山道院

吳山鬱岩巖雲物秀虛迴羣彥事幽討芒屨雜籃筍層陰閣微雨秋日蒼不醒歷磴上高顛城市氣忽靜墟落點孤煙江嶺團雙影道士何蕭灑結屋桂花頂登樓開情讌疏櫺納遐景坐見胥濤來微痕掠煙冷平生幾兩屐選勝苦

晚晴移詩匯卷一百六十七

三

難準矧茲載酒游美客東南盡一出恣劇談陶然共酹酤誰能學古人盛筵歡感併

寒夜遣懷

孤鎗照虛館靜夜似僧房煮雪驗寒味燕蘭聞火香明明空理見歷歷苦緣長意識何由滅植心聊自強

王柘原名允中字雪庵一字顛枝號拓園大興人官遼

陽州吏目有悶莒草堂詩鈔

詩話拓園詩才側偏屈於下吏門人銘鼎臣將軍爲刊遺藁馮展雲侍郎題句云豪興三邊外悲歌一室中身屯名自達官拙語彌工異采看囊錦遺音感縶桐招魂憐宋玉極目睇江楓當時亦名動公卿也

古劍篇

土花繡澁血痕碧中有英雄古魂魄白日青天拔鞘看毛髮陰森起離席昔時成此百鍊鋼撼搖星斗批風霜蛟螭

膽落匿蹤跡鵬鵠膏粹生輝光年湮代遠連環壞石上重磨鋒尙快世無薛燭雙明瞳又無郭振詩豪雄劍乎劍乎汝不自言可以託生死安知人不視作鈍鐵與頑銅報恩報讐隨人意何如去化延平龍神龍首尾不可測汝獨胡爲久在塵埃中

閩山大松歌

盤古氏前生此松棟材未入唐堯宮孫枝早受大夫爵祖幹自匿高人蹤太古甲子不記憶曾見十二山初封松高一層一千尺五層已跨山尖峯七層拔起勢不歇再長將與天門通倒身下瞰根託地半截純積煙重重仙真來刷茯苓白鬼物時守虎魄紅雨夜輒化老龍去游戲飛到東海東歸來天曉鱗甲溼尙帶海氣青冥濛東丹王子藏書

晚晴移詩匯卷一百六十七

三

日盤桓幾度閒支笳耶律相公吟詩處歌聲定雜寒濤中醫閭萬古不改色古人可惜今難逢我今來此喜相值見所未見驚雙瞳願攜枕簟卧朝夕消受謾謾清涼風從赤松游意已足何必十八爲三公

駐蹕山

萬馬簇龍旗征遼此駐師軍中破陣樂塞上紀功碑兵力雄於昔山名起自茲天威猶想見弩火克城時

落星石

古來名將相天上應星辰到地化爲石當時何許人更無光采在竟與碣砮鄰五丈原頭事因之感漢臣

海舶夜望

揚帆行浩浩良夜淨風霾海月龍銜出天霜雁負來得償

宗慙願祇乏木華才叫絕三浮白秋濤響若雷

追和梅樹君成棟蘆花原韻

隔岸分明積雪鋪伊人宛在望中孤西風八月正蕭瑟漁火一星時有無野色暗隨煙共暝秋痕淡到筆難圖雁聲遠向平沙起寒夢蒼茫落五湖

竹外桃花事已非斜陽淡沱滿苔磯獨臨野水和秋語碎翦涼雲作片飛楓葉霜乾同瑟瑟藤蘿月映最依依江湖流落頭俱白不學楊花點客衣

李齡壽字君錫號辛垞吳江人諸生有匏齋遺藁

弔汪君虎溪

風狂百歲中起滅浮雲變往事足悲感惻惻墜歡戀繭園花亂飛對語梁間燕青蓋卧空階苔跡不可踐流落故人

晚晴移詩匯卷一百六十七

三

手猶賸一枝棟棟花風起時杯酒冷難噦詩人屑卑官敲扑塵埃賤所慨卧治難雨雪先集霰麗女力欲降浪蝶挾之戰水魅笑開口土神驚視面日月大圓鏡百怪燭若電真靈位業圖神仙固未譴當其机杼時思之有餘頗值此棟花開日暝竟若倦人去棟猶花忽忽六度見丁令久已歸梅尉未成傳窈窕美人心清詩百洗鍊生自禱泰山歿或祀小縣荔丹蕉黃辭侑此寒泉薦

十月十七放翁生日同人集具足菴西巖上人房用放翁長歌行韻

大星當空芒角生誓掃欃槍屠鯢鯨南渡詩人鳴不平醉夢苦復思兩京年逾六百值今日憂時感事猶此情祖宗九廟思神靈中天日月煌煌明嗟翁間關梁益間伏櫪老

驥餘悲鳴中原未復憤所切焉能守口常如瓶六十年中詩萬首肝膽欲向何人傾昔讀翁詩發長歎況今烽火魂猶驚北風蕭蕭來天際空庭落葉寒有聲座上酒兵且指揮相期一醉開愁城

題錢松壺杜畫

錢老駘蕩人游跡滿萬里此幅自題慎南作三尺剡藤贈黃子黃子亦是江南人歸夢迢迢逐江水如皋江村有故居游釣敢忘林壑美梧桐百尺天冥冥秋煙在樹月在櫺古槐濃綠淨於拭芭蕉葉大風翻屏出門看流水坐石濯足清冷冷孤琴偶一弄時有沙鳥飛來聽人生得此亦自足何必局促奔走羅羶腥錢老寫此豈無意倦游白髮傷伶俚鳴呼松壺古狂士畫意蕭然謝塵滓正從精密得微

晚晴移詩匯卷一百六十七

三

澹藝成非儒亦非技江山萬里盤心胸能事不數文五峯江關倦後家山好何日能還獨客蹤

送紫玖丈歸里同子屏韻

身如辭樹葉風急各紛飛客裏還言別君行我未歸井荒多冷竈秋勁念單衣盜賊何時息重來款故扉

清明

禁煙時節野煙屯惻惻寒多獨掩門入夜雨聲偏破夢一年花事暗驚魂野墳處處逢春祭孤子年年有淚痕去歲玉峯曾記住干戈回首怕重論

羅志讓字耦廉丹徒人候選知縣有億堂詩鈔

喬鶴翁曰君任俠自喜粵寇躡江南大府檄治園練賊至督城守凡繕垣浚濠治樓櫓築礮台積芻糧儲焉憂戚與經營自庚申至甲子孤城得全君與有力

款款足以見所
蘊蓄者深矣

薄暮舟行白塔河

扁舟搖落日極浦生明霞垂楊陰杳靄柔艣聲呶啞迢迢
見歸懷隱隱聞嘯鴉浣女緣曲岸釣叟當圓沙溪風拂絺
綌汀月橫窗紗吾羨張志和泛宅爲生涯

哀戴豐

豐聞城陷出走於其枕畔得
一紙曰吾將從彭咸之所居

歲在癸丑春二月天狗墮地來朱方卓然有七年八十姓
戴名禮頤而長平生好學精篆隸古文一冊垂光芒踞涼
宜入獨行傳恥與流俗相低昂忽聞城陷淚橫臆滅寇無
術心迴遑嗚呼彭咸古來有誓往從之歸帝鄉招魂祭葬
衣冠在刷然披髮下大荒

阻風登燕子磯

晚晴移詩匯卷一百六十七

雷

大風挈水水盡飛陽侯出波阻我歸况復遠山街落日輕
舟急繫燕子磯燕子磯前一片石危亭下瞰江水白神禹
萬古開洪荒蛟龍千里藏窟宅指點京口列三山兀然可
望不可攀平沙直與青冥接遠樹但在微茫間我今攀蘿
恣吟望匹練襟天使心壯同思局促坐篷窗敢向風姨拜
佳貺

行丹陽道中

嶺上浮雲溼春寒昨夜知水喧爭澗急鐘遠度村遲短憤
歸前浦棲霞繞暮枝重來經此地定是雜花時

秋感

秣陵今已撤重圍帳下偏裨著錦衣鴻雁遠傳霜信至鷺
鷺低傍水田飛漸看廢壘生秋草何處寒砧掃夕暉多少

故人明月夜相思相望未言歸

丁堯臣字又香會稽人有蕉雨山房詩鈔

題畫

綠樹簇濃陰草亭結幽境山隙補遙天林杪露帆影渡頭
落日閒溪流一何迴雲際忽鐘聲野寺傍孤嶺地僻往還
稀市遠雞犬靜茅屋三兩間條然籬落整中有太古人獨
與塵市屏名利兩不信心共白雲冷

高郵舟中

一水連吳楚長天接海濱湖浮城作岸波湧月隨人寺壁
誰留畫高郵寺壁舊有曹仁熙
畫水米元章極稱之桃源莫問津中流頻擊楫
感慨百年身

天連湖水碧遠樹隔村微征雁幾行急秋風何處歸波搖

晚晴移詩匯卷一百六十七

雷

帆影活雲帶夕陽飛多少閒鷗鷺應憐作客非

贈隱居

四圍嵐翠鎖煙蘿結得茅廬傍澗阿地僻不嫌人跡少樹
深祇覺雨聲多摘將松子烹新茗採取蘭莖補綠蓑幾度
光陰渾不記窗前日月自經過

阿房

百里驪山一炬焦劫灰何處認前朝詩書焚後今猶在到
底阿房不耐燒

魏錫曾字稼孫仁和人貢生福建候補鹽大使有續語

堂詩存

詩話孫稼孫篤嗜金石當咸同之際轉徙兵間鑒藏甚
富校訂精審身後刊碑錄十冊不分卷攷證未備似
未成之書兼有印癖集中論印
諸詩評騰允當多心得之言

棄婦吟

女子憚遠適臨別常依依憶昔妾來此掩淚牽母衣朝別父與母夕見姑與舅區區一寸心生死爲君婦采桑起執筐洗手歸作羹三歲靡室勞歸甯且未遑歸甯且未遑嗣君適遠道晨昏賤妾侍頗謂婦窈窕吁嗟泰山阿長松榮女蘿吁嗟彼何人中乃施斧柯東家有賢女鴛鴦新結侶人生實有命傷余何妒女木落無還枝婦棄無還期但祝舅姑壽妾請從此辭念君隔兩地思君落雙淚妾去君心傷願君遣情累褰裳登長途回首見小姑小姑哽不語無力迴嫂車

餘杭舟中

朔風起林莽凜冽吹人衣歸舟日將夕但見黃葉飛卧看

晚晴移詩匯卷一百六十七

美

水中影綠樹還依依波旋影零亂盪漾煙痕微遙天積層雪遠山銜落暉寒鴉沒平野羣鴨歸村扉寓目卽成趣當此心忘機有客荷樵立吾爲歌采薇

瑞安道中

山椒聊稅駕竟日霧迷漫我有窮途哭人嗟行路難叱牛憐子母對竹觀平安苦羨麗眉叟茅檐春酒歡

疊韻東趙搗叔

六旬阿母陷虎口嗟我婦子日聚首披緇恥就窳堵波靜俟鬼伯歌薤歌鵬嘯血出不可拭烏鰂遭風仍吐墨橫流何止歎王尼楚詞那敢希唐勒崑崙琵琶俗學馴更受要道知無因通儒願勿作奇士舌橋羣驚秦越人

再疊韻呈季貺

獨立誰勝眾嫫譁壁弓眞已動杯蛇夢中識路一知已海內藏書凡幾家豈有恩讎連將相苦教門第占清華多君豪氣猶疇昔不似寒林瑟縮鴉
鳴玉猶增壇坫譁哲人處世玩龍蛇顧廚俊及茲多口粵宋燕秦豈一家黨籍無碑刊茂叔瑯嬛有地闢張華勸君勤校五千卷遮莫秋林噪鵲鴉

堂狼豪

詩話美生游幕嶺海頗有才名詩亮拔自喜晚趨婉約乃多可取

擬出塞行

丈夫既許國不復論死生按劍出門去萬里如家庭登高望山川長嘯天爲青安知百世下史冊書姓名將軍出馬

晚晴移詩匯卷一百六十七

毛

邑校尉馳龍城戰苦戈戟殘道遠霜雪清野馬嘶落日哀笳動連營此時不封侯嗟哉李北平

高州道中

飛蓬無定根貧士多遠游一爲勞者歌千里來荒州山深生奇寒日落如深秋往往遭奇險心目不自謀危途僅咫尺下有急礮流虎行密箐折猿嘯空林幽行賸偶一解稟然難久留桑弧平居志至此增煩憂飢驅自古昔戚戚將誰尤

谿風颯然生山雨忽而至此中秋未來黃葉已滿地曲折山谿中徒御行不易褰裳風復寒下帷雨難蔽稍稍出修途愁破見崖寺遠岫青欲浮平田綠無次
急瀑飛高峯其勢必下注谿澗一受之眾流悉奔赴怪石